


[illegible]

Կոմվենցիան հանդիսատես է միջազգային իրավաբանական փաստաթուղթ, որով ճանաչվում են 0-18 տարեկան երեխաների բոլոր մարդու իրավունքները: Կոմվենցիան ընդունվել է 1989 թվականի մայիսի 20-ին: Մեր երկիրը միացել է Երեխայի իրավունքների մասին կոմվենցիային 1992 թվականի հունիսի 12-ին: Դա նշանակում է, որ մեր պետությունը պետք է հետևի սույն կոմվենցիայի բոլոր դրույթներին:



Հոդված 1 / Երեխայի սահմանում

18 տարին չլրացած ցանկացած անձ՝ իր երկրի օրենքին համապատասխան, համարվում է երեխա և օժտված է սույն կոնվենցիայում գետեղված բոլոր իրավունքներով:



Հոդված 2 / Խտրականության կանխարգելում

Յուրաքանչյուր երեխա՝ անկախ ռասայից, մաշկի գույնից, սեռից, լեզվից, կրոնից, գույքային վիճակից և սոցիալական ծագումից, օժտված է սույն կոնվենցիայով նախատեսված բոլոր իրավունքներով: Ոչ ոք չպետք է ենթարկվի խտրականության:



Հոդված 3 / Երեխայի շահերի լավագույն ապահովում

Որոշումներ կայացնելիս պետությունը պետք է լավագույն կերպով ապահովի երեխայի շահերը և երեխաներին հատկացնի հատուկ պաշտպանություն և հոգատարություն:



Հոդված 4 / Իրավունքների իրացում

Պետությունը պետք է անի հնարավոր ամենը սույն դաշնագրով ճանաչված բոլոր երեխայի իրավունքներն իրացնելու համար:



Հոդված 5 / Երեխայի դաստիարակությունն ընտանիքում և երեխայի ունակությունների զարգացում

Պետությունը պետք է հարգի ծնողների իրավունքները, պարտականություններն ու պատասխանատվությունը երեխայի դաստիարակման հարցում՝ հաշվի առնելով նրա զարգացումը:




Հոդված 6 / Կյանքի, գոյատևման և զարգացման իրավունք

Յուրաքանչյուր երեխա ունի կյանքի իրավունք, և պետությունը պարտավոր է ապահովել երեխայի գոյատևումն ու առողջ զարգացումը՝ պահպանելով նրա հոգեկան, էնոցիոնալ, սոցիալական և մշակութային մակարդակը:



Հոդված 7 / Անուն և քաղաքացիություն

Յուրաքանչյուր երեխա ծնվելուց ունի անվան և քաղաքացիության իրավունք, ինչպես նաև՝ իր ծնողներին ճանաչելու և նրանց խնամքին ապաստանելու իրավունք:




Հոդված 8 / Ինքնության պահպանում

Պետությունը պետք է հարգի երեխայի՝ իր ինքնությունը, ներառյալ անունը, քաղաքացիությունը և ընտանեկան կապերը պահպանելու իրավունքը և օգնի նրան դրանցից զրկվելու դեպքում:




Հոդված 9 / Բաժանում ծնողներից

Երեխան չպետք է բաժանվի ծնողներից, բացառությամբ այն դեպքերի, երբ դա արվում է իր իսկ շահերից ելնելով: Օրինակ՝ երբ ծնողները հոգ չեն տանում երեխայի մասին կամ վարվում են նրա հետ դաժանորեն: Եթե երեխան բաժանվում է ծնողներից մեկից կամ երկուսից, նա իրավունք ունի պարբերաբար հանդիպել նրանց հետ (բացի այն դեպքերից, երբ դա հակասում է երեխայի շահերին): Եթե պետության որոշման արդյունքում երեխան բաժանվում է ծնողներից մեկից կամ երկուսից, ապա պետությունը պարտավոր է տրամադրել նրան բոլոր անհրաժեշտ տեղեկություններն իր ծնողների գտնվելու վայրի մասին (բացի այն դեպքերից, երբ դա կարող է երեխային վնաս հասցնել):



Հոդված 10 / Ընտանիքի վերամիավորում

Եթե երեխան և նրա ծնողներն ապրում են տարբեր երկրներում, ապա նրանք պետք է հնարավորություն ունենան հատելու այդ երկրների սահմանները և մուտք գործել սեփական երկիր՝ անձնական հարաբերությունները պահպանելու նպատակով:



Հոդված 11 / Ապօրինի տեղափոխումներ և վերադարձ

Պետությունը պետք է կանխի երկրից երեխաների ապօրինի դուրս բերումը:



Հոդված 12 / Երեխայի հայացքներ

Երեխան իր տարիքին և հասունությանը համապատասխան իրավունք ունի ազատորեն արտահայտել իր հայացքներն իրեն վերաբերող բոլոր հարցերով: Այս նպատակով նա կարող է ունկնդրվել ցանկացած դատական կամ վարչական քննության ժամանակ:



Հոդված 13 / Կարծիք արտահայտելու ազատություն

Երեխան իրավունք ունի ազատորեն արտահայտել իր կարծիքը, որոնել, ստանալ և հաղորդել ցանկացած տեսակի տեղեկատվություն, եթե դա չի վնասում այլ անձանց, չի խախտում պետական անվտանգությունը և հասարակական կարգը:



Հոդված 14 / Մտքի, խղճի և կրոնի ազատություն

Պետությունը պետք է հարգի երեխայի մտքի, խղճի և կրոնի ազատության իրավունքը: Երեխայի ծնողները կամ խնամակալները պետք է բացատրեն նրան այդ իրավունքը:



Հոդված 15 / Միավորումների ազատություն

Երեխաներն իրավունք ունեն հանդիպել և միավորվել խմբերում, եթե դա չի վնասում այլ անձանց և չի խախտում հասարակական անվտանգությունն ու կարգը:





Հոդված 16 / Անձնական կյանքի իրավունքի պաշտպանություն

Յուրաքանչյուր երեխա անձնական կյանքի իրավունք ունի: Ոչ ոք իրավունք չունի վնասել նրա հեղինակությանը և առանց թույլտվության մուտք գործել նրա տուն ու կարողալ նրա նամակները: Երեխան իր պատվի և հեղինակության հանդեպ ունեցած իրավունքներից պաշտպանության իրավունք ունի:




Հոդված 17 / Համապատասխան տեղեկատվության մատչելիության

Յուրաքանչյուր երեխա տեղեկատվության մատչելիության իրավունք ունի: Պետությունը պետք է խրախուսի զանգվածային լրատվամիջոցներին տարածելու երեխաների հոգևոր և մշակութային զարգացմանը նպաստող նյութեր և արգելի երեխային վնաս պատճառող տեղեկատվությունը:



Հոդված 18 / Ծնողների պատասխանատվություն

Ծնողները հավասար պատասխանատվություն են կրում երեխայի դաստիարակման և զարգացման համար: Պետությունը պետք է ծնողներին անհրաժեշտ օգնություն տրամադրի երեխաների դաստիարակման և զարգացման գործում, ինչպես նաև պետք է ապահովի մանկական հաստատությունների ցանցի զարգացումը:



Հոդված 19 / Պաշտպանություն չարաշահումներից և անփութ վերաբերմունքից

Պետությունը պետք է պաշտպանի երեխային բռնության բոլոր ձևերից, ծնողների կողմից հոգատարության բացակայությունից և վատ վերաբերմունքից, ինչպես նաև պետք է օգնի մեծահասակների կողմից դաժան վերաբերմունքի ենթարկված երեխային:



Հոդված 20 / Ընտանիքից զուրկ երեխայի պաշտպանություն

Եթե երեխան զրկվում է ընտանիքից, ապա նա իրավունք ունի ապավինելու պետության կողմից հատուկ պաշտպանության ու օգնության: Պետությունը կարող է երեխային դաստիարակման հանձնել այնպիսի մարդկանց, ովքեր հարգում են նրա մայրենի լեզուն, կրոնը և մշակույթը:



Հոդված 21 / Որդեգրում

Պետությունը պետք է հետևի, որպեսզի երեխայի որդեգրման ժամանակ պահպանվեն նրա լավագույն շահերը և ապահովվեն նրա օրինական իրավունքների երաշխիքները: Ինչպես երկրի ներսում, այնպես էլ երկրից դուրս երեխայի որդեգրման դեպքում պետք է կիրառվեն միևնույն կանոնները, երաշխիքներն ու չափանիշները:





Հոդված 22 / Փախստական երեխաներ

Պետությունը պետք է հատուկ պաշտպանություն ապահովի փախստական երեխաների համար, նրանց օգնություն տրամադրի տեղեկատվություն ստանալու գործում և նպաստի ընտանիքի հետ նրանց վերամիավորմանը:




Հոդված 23 / Հաշմանդամ երեխաներ

Մտավոր կամ ֆիզիկական արատ ունեցող յուրաքանչյուր երեխա հատուկ հոգատարության և արժանավայել կյանքի իրավունք ունի: Պետությունը պետք է նման երեխային սովորեցնի, բուժվելու, աշխատանքային գործունեության պատրաստվելու, հանգստանալու և առավել ինքնուրույն լինելու, այն է՝ լիարժեք կյանքով ապրելու հնարավորություն ընձեռի:



Հոդված 24 / Առողջություն և առողջապահություն

Յուրաքանչյուր երեխա ունի իր առողջության պաշտպանության իրավունք, այն է՝ բժշկական օգնություն, մաքուր խմելու ջուր և լիարժեք սնունդ ստանալու իրավունք: Պետությունները պետք է ապահովեն մանկական մահացության իջեցումը և անցկացնեն տեղեկատվական արշավներ՝ առողջության մասին գիտելիքները տարածելու նպատակով:



Հոդված 25 / Պարբերական գնահատում խնամակալության ընթացքում

Պետությունը պետք է պարբերաբար ստուգի խնամակալության տակ գտնվող երեխայի կենսապայմանները:




Հոդված 26 / Սոցիալական ապահովություն

Յուրաքանչյուր երեխա ունի համարյա թափանցիկ, այդ թվում նաև սոցիալական ապահովագրությունից օգտվելու իրավունք:



Հոդված 27 / Կենսամակարդակ

Յուրաքանչյուր երեխա ունի իր ֆիզիկական, մտավոր, հոգևոր և բարոյական զարգացման համար անհրաժեշտ կենսամակարդակի իրավունք: Պետությունը պետք է օգնի այն ծնողներին, որոնք չեն կարող իրենց երեխաների համար ապահովել անհրաժեշտ կենսապայմաններ:




Հոդված 28 / Կրթություն

Յուրաքանչյուր երեխա ունի կրթության իրավունք: Տարրական կրթությունը պետք է լինի պարտադիր և անվճար, իսկ միջնակարգ և բարձրագույն կրթությունը՝ մատչելի բոլոր երեխաների համար: Դպրոցներում պետք է պահպանվեն երեխայի իրավունքները, և հարգանք ցուցաբերվի նրա մարդկային արժանապատվության նկատմամբ: Պետությունը պետք է հետևի, որպեսզի երեխաները պարբերաբար հաճախեն դպրոց:



Հոդված 29 / Կրթության նպատակներ

Կրթական հաստատությունները պետք է զարգացնեն երեխայի ամհատականությունը, նրա տաղանդները, մտավոր և ֆիզիկական ունակությունները, ինչպես նաև դաստիարակեն նրան փոխըմբռնման, խաղաղության, հանդուրժողականության, մշակութային ավանդույթների և ծնողների հանդեպ հարգանքի ոգով:




Հոդված 30 / Փոքրամասնություններին և բնիկ ազգաբնակչությանը պատկանող երեխաներ

Եթե երեխան պատկանում է եթնիկական, կրոնական կամ լեզվական փոքրամասնության, ապա նա իրավունք ունի խոսել մայրենի լեզվով, պահպանել սեփական սովորույթները և դավանել իր կրոնը:



Հոդված 31 / Հանգիստ, ժամանց և մշակութային կյանք

Յուրաքանչյուր երեխա հանգստի ու խաղի, ինչպես նաև մշակութային և ստեղծագործական կյանքին մասնակցելու իրավունք ունի:




Հոդված 32 / Մանկական աշխատանք

Պետությունը պետք է պաշտպանի երեխային վտանգավոր, վնասակար և նրա ուժից վեր աշխատանքից: Աշխատանքը չպետք է խանգարի երեխայի հոգևոր և մտավոր զարգացմանը:



Հոդված 33 / Թմրամիջոցների ապօրինի գործածում

Պետությունը պետք է անի հնարավոր ամենը երեխաներին թմրամիջոցների և հոգեներգործուն նյութերի ապօրինի գործածումից զերծ պահելու համար և պետք է կանխի երեխաների ներգրավումը թմրամիջոցների արտադրության և առևտրի մեջ:



Հոդված 34 / Սեռական շահագործում

Պետությունը պետք է պաշտպանի երեխաներին սեռական բռնության ցանկացած ձևից:



Հոդված 35 / Վաճառք, առուվաճառք և առևանգում


Պետությունը պետք է ամբողջ ուժերով պայքարի երեխաների վաճառքի, առուվաճառքի և առևանգման դեմ:





Հոդված 36 / Շահագործման այլ ձևեր

Պետությունը պետք է երեխային պաշտպանի ցանկացած գործողություններից, որոնք կարող են նրան վնաս պատճառել:




Հոդված 37 / Խոշտանգումներ և ազատազրկում

Պետությունն ապահովում է, որպեսզի ոչ մի երեխա չենթարկվի խոշտանգումների, դաժան վերաբերմունքի, ապօրինի ծերբակալության և ազատազրկման: Յուրաքանչյուր ազատազրկված երեխա իրավունք ունի կապ պահպանել իր ընտանիքի հետ, ստանալ իրավաբանական աջակցություն և պաշտպանություն հայցել դատարանում:



Հոդված 38 / Զինված հակամարտություններ

Պետությունը չպետք է թույլ տա տասնհինգ տարին չլրացած երեխաներին բանակ զորակոչվել կամ ուղղակիորեն մասնակցել ռազմական գործողություններին: Զինված հակամարտությունների գոտիներում գտնվող երեխաները պետք է ստանան հատուկ աջակցություն և խնամք:



Հոդված 39 / Վերականգնողական խնամք

Եթե երեխան դաժան վերաբերմունքի, ընդհարման, խոշտանգումների, անուշադրության կամ շահագործման զոհ է դարձել, ապա պետությունը պետք է ամեն բան անի նրա առողջությունը վերականգնելու և նրան սեփական արժանապատվության զգացումը վերադարձնելու համար:



Հոդված 40 / Անչափահաս իրավազանցների հանդեպ արդարադատության իրականացում

Օրենքի խախտման համար մեղադրվող ցանկացած երեխա հիմնական երաշխիքների, իրավական և այլ օգնության իրավունք ունի:




Հոդված 41 / Գերագույն չափանիշների կիրառում

Եթե որևէ առանձին պետության օրենսդրությունը երեխայի իրավունքները պաշտպանում է ավելի լավ, քան սույն կոնվենցիան, ապա հարկ է կիրառել այդ երկրի օրենքները:




Հոդված 42 / Պահպանում և ուժի մեջ մտնելը

Պետությունը պարտավոր է կոնվենցիայի վերաբերյալ տեղեկությունները տարածել մեծահասակների և երեխաների շրջանում:



43-ից 54 հոդվածները վերաբերում են նրան, թե ինչպես մեծահասակները և պետությունները պետք է ապահովեն երեխաների բոլոր իրավունքները:



Սույն գրքույկը հրատարակվել է «Տարածաշրջանային
նախաձեռնություն հանուն երեխաների
մասնակցության» ծրագրի շրջանակներում, որն
իրականացնում է «Սեյվ դը չիլդրեն» միջազգային
կազմակերպությունը՝ «Ապագան քոնն է» ՀԿ-ի հետ
համագործակցությամբ:

Ծրագիրը ֆինանսավորում է Եվրոպական միությունը,
համաֆինանսավորում՝ ԱՄՆ Միջազգային զարգացման
գործակալությունը՝ Քաունթերփարթ ինթերնեշնլի
հայաստանյան ներկայացուցչության
դրամաշնորհային ծրագրի միջոցով:

Սույն հրատարակությունում արտահայտված
տեսակետները կարող են չարտացոլել
Եվրոպական միության, ԱՄՆ Միջազգային
զարգացման գործակալության
և Քաունթերփարթ ինթերնեշնլի հայաստանյան
ներկայացուցչության տեսակետները:

Գրքույկի տեքստը կազմվել է ըստ ՄԱԿ-ի Մանկական
հիմնադրամի համանման հրատարակության:



ԵՄԻՊԿԱՆ ՄԻՈՒԾՈՒՄ



Save the Children



USAID
FROM THE AMERICAN PEOPLE



ԿՐԹԱՆ, ԾՐԱՆ ԵՎ
ՀԱՄԱՐԱՆԱԿԱՆ ԳԱՐԵՆՔՈՒԹՅՈՒՆ

COUNTERPART
INTERNATIONAL

